

ՄԱՏԹԷՈՍ

ԱՐՁԵՊԻՍԿՈՊՈՍ

# ԻԶՄԻՐԼԵԱՆ

Համառոտ կենսագրութիւն  
պատկերով

Կազմեց  
ՇԻՐՎԱՆ ԶԱԴԷ

Հրատարակութիւն  
«ՄԵՐ ԶԱՅՆԻ»

ՆՈՐ-ՆԱԽԻՋԵՒԱՆ  
Տպարան Ս. Աւագեանի.

Нахичевань и-Д.  
Типография С. Авакова.

1908.



ՄԱՏԹԷՈՍ

ԱՐՔԵՊԻՍԿՈՊՈՍ

# ԻԶՄԻՐԼԵԱՆ

Համառօտ կենսագրութիւն  
սլաւոկերով

Կազմեց  
ՇԻՐՎԱՆՉԱԳԻԷ

Հրատարակութիւն  
«ՄԵՐ ԶԱՅՆԻ»


ՀԱՅԿԱՍՏԱՆԻ  
ԿՐԹԱԳՐԱԿԱՆ  
ԿԵՆՏՐՈՆ

ՀԱՅ-ՆԱԻԻՋԵՒԱՆ  
Տպարան Ս. Աւարիանի.

Нахичевань н-Д.  
Типография С. Авакова.


1908.


Ազգայ  
283





ՄԱՏԹԷՍ ԱՐՔԵՂԵՍԿ ԻԶՄԻՐԵԱՆ.





## Ժ Ա Ն Օ Թ Ո Ւ Թ Ի Ի Ն

Շիրվանզադէի կազմած Մատթէոս արքեպ. Իզմիրլեանի սոյն համառօտ կենսագրութիւնը «Մեր Չայնի» մէջ մաս-մաս հրատարակելու համար սիրայօժարօրէն մեզ յանձնեց մեր անուանի վիպասանի բարեկամ պ. Ալէքսանդր Արէլեանը. բայց խմբագրութիւնս թերթի մէջ հրատարակելուց յետոյ նպատակայարմար գտաւ նոյն կենսագրութիւնը լոյս ընծայել առանձին գրքոյկով՝ ժողովրդի աւելի լայն խաւերին ծանօթացնելու համար մեր կաթողիկոսական գահի ամենատաղին թեկնածուի կեանքին ու գործունէութեանը:

Շիրվանզադէն այս աշխատութիւնը կազմել էր Բագուի մի հրատարակութեան համար 1896 թուին, երբ սրբ. Իզմիրլեանը նոր էր հեռացել պատրիարքական գահից, բայց այն ժամանակուայ գրաքննական պայմաններն


արգելք էին հղել այս գործը լոյս ընծայելուն:

1896 թուից յետոյ սրբ. Իգմիրլեանի կենսագրութեան վրայ զրեթէ ոչինչ չի մնում աւելացնելու, քանի որ նա 12 տարի մասնուած է հղելականայ անգործութեան, իրրե քաղաքական արսորական նստած լինելով Երուսաղէմում:

«Մեր Չայնի» խմբագրութիւն

---





## ՄԱՏԹԷՈՍ ԱՐՔԵՊԻՍԿՈՊՈՍ ԻԶՄԻՐԵԱՆ

1894 թուականի վերջերն էր, Կ. Պոլսի պատրիարքական դահլ թափուր: Սասունի կոտորածների թարմ տպաւորութեան ներքոյ Եւրոպայում հասարակական կարծիքը վրդովուել էր Տաճկաստանի վարչական անկարգութիւնների դէմ: Կ. Պոլսի դեսպանական շրջաններում տաճկահայ ժողովրդի վիճակը առաջացրել էր յուզում և իրարանցում: Գրեթէ տասնուհինգ տարի քնած հայկական հարցը նորից կենդանութիւն էր ստանում: Երեք երոպաճան դօրեղ պետութիւններ—Ռուսաստանը, Ֆրանսիան և Անգլիան, կամենալով անաշտ օրէն պարզել Սասունի կոտորածների բուն պատճառները, ամեն կերպ աշխատում էին ձեռք բերել

ճշգրիտ տեղեկութիւններ կատարուած զըժ-  
բազդութեան մասին:

Չկար մի հասարակական մարմին կամ  
անձնաւորութիւն, որ կարողանար ներկա-  
յանալ իբրև տաճկահայ ժողովրդի նորա-  
գոյն վշտերի և կսկիծների թարգման, պաշտ-  
պանել նրա գատը և լինել անձնուէր միջ-  
նորդ իր ազգի և զիպլոմատիական աշխարհի  
միջև: Տխուր հոշակ վաստակած Աշըգեան  
պատրիարքի շնորհով մի քանի տարի էր  
կ. Պոլսի Ազգային ժողովը կորցրել էր իր  
ոյժն ու իրաւունքները և զրեթէ լուծուել:  
Պատրիարքարանը զրկուել էր իր ազգե-  
ցութիւնից. թուլամորթ պատրիարքի հրա-  
ժարականից յետոյ, գահը ժամանակաւորա-  
պէս յանձնուել էր տեղապահ Հմայեակ  
եպիսկոպոս Դիմաքսեանին՝ մի տգէտ և թոյլ  
եկեղեցականի, որ այնպիսի դժուար հան-  
գամանքներում, կորցնելով իր գլուխը, կա-  
մայ թէ ակամայ դարձել էր տաճիկ կտու-  
վարութեան ձեռքում խաղալիք: Անունով  
գոյութիւն ունեցող Ազգային ժողովի լա-  
ւազայն փոքրամասնութիւնը շփոթուել էր.  
երկիւզը ստիպում էր նրան գատապար-  
տուել անգործութեան, իսկ ժողովրդի ա-

րիւնը սոսկայի ուրուականի պէս հալածում էր նրան, խայթելով խրաբանչիւրի սիրտը և զրդելով սթափուել, վերջապէս, երկար ժամանակեայ թմրութիւնից: Մինչդեռ ամիրաններից և էֆէնդիներից բազկացած մեծամասնութիւնը դեռ ևս ընթանում էր Աշըղեան կախկոպոսի հարթած ուղիով, գործելու միակ գէնք համարելով ասիական քծութիւնը և շողորորթութիւնը սուլթանի գահի առջև:

Ահա այդ խառն ու դժուար հանգամանքներում մի օր յանկարծ հեռապիրը լուր է բերում, թէ Կ. Պոլսի պատրիարքական գահի համար ընտրուած է Մատթէոս կախկոպոս Բզմիրլեանը: Հարկաւ, այս անունը շարժում է ընդհանուր հետաքրքրութիւն, և ամեն մի հայի գլխում հարց է ծագում՝ արդեօք ի՞նչպէս կը պաշտպանէ տաճկահայերի դատը նոր պատրիարքը: Ռուսահայերի համար այդ ժամանակ Բզմիրլեանի անունը անձանօթ չէր. ընդամենը տարի ու կէս էր անցել այն օրից, երբ Բզմիրլեանը էջմիածնի հանդիսում ընտրուեց կաթողիկոսական գահի երկրորդ թեկնածու: Նրա անունը դեռ թարմ էր սուսահայերի յիշո-

դռ. թեան մէջ: Սակայն միայն այսքանը: Դժուար թէ գանուէին մի քանի հայեր, որ ճանաչէին այդ եկեղեցականի անցեալը, այն մարդու, որ կորճ ժամանակ անցած վատակից այնքան մեծ հոշակ: Մենք ենթադրում ենք, որ նոյն իսկ այժմ, երբ Իզմիրլեանն այդքան յայանի է դարձել, սուսահայերը չունին տեղեկութիւն նրա անցեալ կեանքի և գործունէութեան մասին: Անա ինչու մենք կաշխատենք ներկայ յօդուածով ծանօթացնել ընթերցողներին այդ հազուադէպ գործիչի գէթ համառօտ կենսագրութեան հետ, միևնոյն ժամանակ, կարելիին չափ, տեղեկութիւններ տալով նրա գործունէութեան մասին:

Իզմիրլեանի գործունէութիւնը բաժանուած է երկու խիստ օրոշ ժամանակամիջոցների. մինչև պատրիարք դասնալը և պատրիարքութեան ժամանակ: Աօսենք նախ նրա նախկին կեանքի և գործունէութեան մասին\*):

\*) Հարկ ենք համարում հաղորդել, որ ներկայ կենսագրութիւնը կազմելիս, բացի մեր ձեռքի տակ եղած մասնաւոր տեղեկութիւններից, օգտուել ենք «Արփա» հանդէսից, որի 1893 թուականի մի համարում տպուած է մի վերին աստիճանի հանգամանօրէն կենսագրութիւն, նաև Թիֆլիսի հայ լրագրներից: Հեղ.

Հասարակ դերձակի զաւակ և հասարակ  
դերձակի թոռն Մատթէս Իզմիրլեանը  
ծնուել է Կ. Պոլսում 1845 թուականի փե-  
տրուարի 12-ին: Նրա մանկական անունն  
եղել է Սիմէօն, իսկ Իզմիրլեան ազգանունը  
ծագումն է առել Զմիւսնիա քաղաքից, ուս-  
կից գաղթել է Կ. Պոլիս նրա պապը երի-  
տասարդ հասակում: Սիմէօնի հայրը ունե-  
ցել է ութ զաւակ, որոնց մէջ Սիմէօնը  
վեցերորդն է: Այդ ութ զաւակներից այժմ  
ապրում են հրկուսը—Սիմէօնը, այժմեան  
Մատթէս արքեպիսկոպոսը և Յակովբոսը,  
որ ներկայումս Կ. Պոլսում պարապում է  
ներկարարութեամբ և մեքենագործութեամբ:

Մանուկ Սիմէօնը իր նախնական կրթու-  
թիւնը ստացել է Պէդճեան կոչուած վար-  
ժարանում: Այստեղից նա տասնուչորս տա-  
րեկան հասակում տեղափոխուել է Գում-  
Գափուի Պօզոսեան և Վարվառնեան կո-  
չուած ուսումնարանը, որ կառուցուած էր  
Պէդճեան Յարութիւն ամիրայի ծախքով և  
այն ժամանակ գտնւում էր Մկրտիչ Մէզ-  
պուրեանի զեկավարութեան տակ:

Աւարտելով իր ուսումնարանական կրթ-  
ութեան ընթացքը, պատանի Սիմէօնը տաս-

նևութ տարեկան հասակում հրաւիրում է  
ուսուցչի պաշտօնով Կ. Պոլսի Միջագիւղ  
թաղի ս. Թարգմանչաց ուսումնարանը:  
Այստեղ հազիւ երկու տարի ուսուցչու-  
թիւն անելուց յետոյ, Իզմիրլիանը 1864  
թուականին Նոյն թաղի եկեղեցում ձեռ-  
նադրւում է սարկաւազ: Բնաւորութեամբ  
հեղ, ձգտումներով բուն քրիստոնեայ, նա  
զգում է, որ հոգևոր ասպարիզում միայն  
կարող է իրեն համապատասխան գործու-  
նէութիւն գտնել: Եւ ահա, հինգ տարի  
անցած, այն է՝ 1869 թուականի ամառը,  
քսանուչորս տարեկան երիտասարդը, ար-  
համարհելով աշխարհային հաճոյքները և  
կեանքի սնտաի փոթորիկները, ձեռնա-  
դրւում է վարդապետ Միջագիւղի թաղա-  
կան եկեղեցում Յովհաննէս եպիսկոպոս  
Կապուտիկեանի ձեռքով, ընդունելով Մատ-  
թէոս անունը: Նոյն տարին նա ստանում է  
գաւազանակրի իրաւունք: Լինելով վերին  
աստիճանի ուսումնասէր, նա աշխատում է  
իր ուսման թերութիւնները լրացնել անընդ-  
հատ ընթերցանութեամբ: Նա ուսումնասի-  
րում է հին և նոր հայ գրականութիւնը,  
իր ազգի պատմութիւնը, եկեղեցու ան-

ցեալը և ներկան: Ապագայում այդ գրական-  
նական և եկեղեցական հմտութիւնը նրա  
հասարակական գործունէութեանը մեծ ծա-  
ռայութիւններ է մատուցանում:

1869 թուականին Մկրտիչ Կալինկոպու  
Սրբիմեանը (վերջը ս. էջմիածնի կաթուղի-  
կոս) ընտրուում է Կ. Պոլսի պատրիարք և  
գաւառից տեղափոխուում է սուլթանների  
մայրաքաղաքը, ուր հայ հոգեւորականները  
երկու կուսակցութիւնների բաժանուած,  
այդ ժամանակ միմեանց միմեան էին ուտում:  
Ժողովրդական մարդը բնականաբար հան-  
դիսանում է ժողովրդական իրաւունքների  
պաշտպան, գլուխ կանգնելով այն կուսակ-  
ցութեան, որ լինում է աւելի անկեղծ,  
աւելի լուսամիտ և աւելի ժողովրդասէր:  
Այդ կուսակցութեան հռանդուն անգամնե-  
րից մէկն է դառնում և երիտասարդ վար-  
դապետ Իզմիրլեանը: Մի օր գիպուածով  
մի ինչ-որ հասարակական խնդրի առիթով  
նա ներկայանում է նորընտիր պատրիար-  
քին: Նրա սուր ու կարուկ պատողութիւն-  
ները, ձայնի գրաւիչ հնչիւնը, խելացի  
պատասխանները Սրբիմեանի վրայ գործում  
են խոր տպաւորութիւն և գրաւում նրան:

Պատրիարքը, յափշտակուելով երկնասարդ վարդապետով, հրաւիրում է նրան պատրիարքարան սեպհական քարտուղարի պաշտօնով:

Այդ լինում է 1870 թուականի յունուտրի 14-ին, երբ Իգմիրլիանը հազիւ քսան ու հինգ տարեկան էր: Կարճ միջոցում պատրիարքի քարտուղարը երեան է հանում իր մտանոր հագուագիւտ ընդունակութիւնները թէ իբրև պաշտօնեայ և թէ իբրև հոգևոր և հասարակական գործիչ: Գրաւելով ընդհանուր ուշադրութիւն, 1871 թուականի յուլիսի 23-ին ընտրւում է Ազգային ժողովի անդամ: Այդ օրից նրա համար բացուած է գործունէութեան ընդարձակ ասպարէզ, ուր նա յայտնւում է իբրև կորովի մտքի տէր, եռանդուն, անաշառ և անշահասէր մի հասարակական գործիչ: Նա մասնակցում է Ազգային ժողովի կատարած բոլոր նշանաւոր գործերի մէջ, ամեն տեղ ցոյց տալով ինքնուրոյն ոգի, անկախ բնաւորութիւն և ազատ հայեացքներ:

Հազիւ մի տարի անցած, Իգմիրլիանը ընտրւում է նոր կազմուած կրօնական ժողովի անդամ և ատենադպիր, միևնոյն



ժամանակ մնալով պատրիարքի անձնական քարտուղար և Ազգային ժողովի անդամ։ Այդ ժամանակները Ազգային ժողովի և առճիկ կառավարութեան մէջ տեղի էին ունենում անընդհատ խռովութիւններ, որ յետոյ սնւր կերպարանք ստացան Բրուսայի առաջնորդական և Բերայի դերեղմանատան խնդիրների առիթով։ Տեղի սղութեան պատճառով շինք կարող կանգ առնել այդ խնդիրների վրայ, որոնց լուծման մէջ մեծ մասնակցութիւն է ունեցել Իզմիրլեան։ Կասենք միայն մի քանի խօսք Բրուսայի առաջնորդական խնդրի մասին, որովհետև այստեղ դեր է կատարել այն մարդը, որ վերջը բաղդի բերմամբ նստեց Կ. Պոլսի պատրիարքական դահի վրայ, իբրև յաջորդ Իզմիրլեան պատրիարքի։

Այդ մարդն է Բարդուղիմէոս Լպիսկոպոս Չամչեան, որ այն ժամանակ Բրուսայի թեմական առաջնորդն էր և մեծ անախարժութիւններ էր պատճառում թէ Ազգային ժողովին և թէ պատրիարքարանին իր ըմբոստ վարմունքով և անհաշտ ընաւորութեամբ։ Բանն այն է, որ Սահմանադրութիւն կոչուած ազգային իրաւունքների

գործադրութիւնը, իբրև մի նոր և շտեմ-  
նուած բան, այդ ժամանակները գաւառնե-  
րի մէջ հանդիպում էր մեծ խոչընդոտների:  
Ժողովուրդը, իր ազիտութեան պատճառով,  
չէր ըմբռնում այդ իրաւունքների բուն ի-  
մասար, և այդ ազիտութեանը նպաստում  
էին հոգևորականները, որոնք իրենց անձ-  
նական շահերը կապուած էին համարում  
Սահմանադրութեան սպու թուլացման հետ:  
Այդ աեսակ ազէա և խոսվասէր հոգևորա-  
կաններից էր և Բրուսայի առաջնորդ Բար-  
դուղիմէոսը: Մի զարմանալի յամառու-  
թեամբ այդ մարդը ոչ միայն չէր ուզում  
գործադրել Սահմանադրութեան պահանջ-  
ները, այլ և ձգտում էր ձգել երկպառա-  
կութիւն հայ ժողովրդի և հայ պատրիար-  
քարանի մէջ: Կային մարդիկ Բրուսայի հա-  
սարակութեան մէջ, որ հասկացել էին Բար-  
դուղիմէոսի հոգին և հակառակում էին  
նրա ըմբոստութեան, և այդ ապերախա ա-  
ռաջնորդի շնորհով ժողովուրդը բաժանուել  
էր երկու հակառակ կուսակցութիւնների—  
Բարդուղիմէոսեան և Հակաբարդուղիմէո-  
սեան:

Պատրիարքարանը ձգտում էր զսպել յա-

մաս և ըմբոստ առաջնորդին, և չէր յաջու-  
ղում: Մի քանի անգամ Խրիմեանը կանչեց  
Բարդուղիմէոսին Կ. Պոլիս, որ զայ և ան-  
ձամբ հաշիւ տայ իր արարքների մասին,  
բայց առաջնորդը մերժեց և չեկաւ: Վերջա-  
պէս, պատրիարքարանը ստիպուեց դի-  
մել տաճիկ կառավարութեան օգնութեանը,  
և ըմբոստ եպիսկոպոսը ստիկանական ու-  
ժով բերուեց Կ. Պոլիս, ուր նա ստիպուած  
եղաւ ներումն խնդրել իր իշխանաւորնե-  
րից: Սակայն Ազգային ժողովը ուշադրու-  
թիւն չդարձնելով Բարդուղիմէոսի ախա-  
մայ և կեղծ խոնարհման վրայ, կամեցաւ  
խնդիրը պարզել, և այս նպատակով Բրուս-  
սա ուղարկեց երկու լիազօր քննիչներ:

Այդ լիազօրներից մէկն էր Մատթէոս  
վարդապետ Իզմիրլեանը: Հասնելով Բրուս-  
սա իր ընկերոջ հետ, որոշ սկզբունքներով  
ստղծուած Իզմիրլեանը նախ և առաջ կա-  
րևոր է համարում բացատրել ժողովրդին  
Սահմանադրութեան ոգին, ապա կազմում  
է գաւառական երեսփոխանական, նաև Կրօ-  
նական և Քաղաքական ժողովներ: Ժողովրդին  
իւր քարոզներով և յորդորներով նա ներ-  
շնչում է ինքնաճանաչութեան ոգի, թու-

լացնում է նրա մէջ կուսակցական թշնամութեան զգացումը, վերականգնում է խախտուած հաշտութիւնը և իր միասիան ամենայն հոանդով ու պատուով կատարելուց յետոյ, վերադառնում է Կ. Պոլիս:

Այնուհետև Իզմիրլեանը ընտրւում է անդամ մի ուրիշ քննիչ յանձնաժողովի, որ պէտք է պարզէր կաթողիկոսական յարաբերութիւնների խնդիրը: 1873 թուականի յունուարի 29-ին նա ստանում է ծայրագոյն վարդապետի աստիճան, մի և նոյն ժամանակ նշանակուելով Իւսկիւատար թաղի ս. Կարապետ եկեղեցու քարոզիչ: Իրիւք քարոզիչ իմաստալի քարոզներով, խորհրդաւոր հայեացքներով և պերճախօսութեամբ շուտով նա վաստակում է իր հօտի անկեղծ յարգանքն ու սէրը: Ժողովուրդը գրաւում է նրա պարզ, անպաճոյճ ժողովրդական լեզուով ասած քարոզներով:

Այդ միջոցներին Երեսփոխանական ժողովը Խրիմեան պատրիարքի համաձայնութեամբ սկսում է զբաղուել Սահմանադրութեան վերաքննութեամբ: 1873 թ. մարտ ամսին կազմւում է մի վերաքննիչ յանձնաժողով: Անդամների թւումն է լինում նաև

Իզմիրլեան, որ իր խելացի նկատողութիւններով պարզում է յանձնաժողովի համար շատ մութ կէտեր, ցոյց տալով Սահմանադրութեան արժանաւորութիւնները և թերութիւնները: Սակայն, հանգամանքների բերմամբ, յանձնաժողովի գործունէութիւնը առժամանակ մնում է առանց որեէ հետեանքի...

Մի տարի անցած Բալլըքէսէրի Ազգային Կաւառական Ժողովը Իզմիրլեանին ընտրում է վիճակային առաջնորդ և դիմում է պատրիարքին, խնդրելով վաւերացնել այդ ընտրութիւնը և շուտով Իզմիրլեանին ուղարկել իր պաշտօնատեղը: Այս առիթով Կ. Պոլսի Կրօնական Ժողովը վճռում է Իզմիրլեանին եպիսկոպոսութեան վկայագիր տալ: Սակայն վրայ է հասնում պատրիարքական տաղնապը. զարթնում են մի քանի կարեր և ընդհանուր ազգային նշանակութիւն ունեցող խնդիրներ և Իզմիրլեանը ստիպուած է լինում մնալ առժամանակ Կ. Պոլսում մինչև որ կրլուծուին այդ խնդիրները:

1873 թուականի հոկտեմբերի 2-ին Խրիմեանը, համեմատաբար կարճատե պատրիարքութիւնից յետոյ, հրաժարական է

տալիս իր պաշտօնից: Հետեւալ տարուայ ապրիլ ամսին նրա տեղ ընտրուում է Ներսէս Վարժապետեանը, մի մարդ, որ այնքան բարձրացրից պատրիարքական դահլիշանակութիւնը օտարազգիների աչքում: Այդ օրից Իզմիրլեանը դառնում է անմոռանալի Ներսէսի ամենաեւանդուն աջակիցներից և խորհրդատուներից մէկը: Ազգային հասարակական և եկեղեցական ամենազօռւար խնդիրներ լուծելիս նա ցոյց է տալիս այնպիսի լրջամտութիւն, հեռատեսութիւն, նաև եռանդ և մաքուր ու ազնիւ ձգտումներ, որ շուտով դառնում է մի անհրաժեշտ և անփոխարինելի անդամ այն բոլոր յանձնաժողովների ու խորհուրդների, որոնց ձեռքին է լինում այդ խնդիրների պարզաբանութիւնը և լուծումը:

Մակայն անսոռաջանորդ մնացած բալլըքէսէրցիները հանգստութիւն չեն տալիս Իզմիրլեանին և շարունակ, խնդրապիր խնդրազրի ետեից ուղարկելով, աղերսում են նրբան գալ իր վիճակը: Մի և նոյն ժամանակ նրանք խնդրում են պատրիարքարանից, որ միջնորդէ Իզմիրլեանին եպիսկոպոս ձեռնադրելու: Ներսէս պատրիարքը, լարդի-

լով ժողովրդի թախանձանքը, Իզմիրլեանի  
եպիսկոպոսութեան խնդիրը ենթարկում է  
Քաղաքական և Կրօնական ժողովների վարչու-  
թեան քննութեանը: Ահա այստեղ յայտ-  
նւում է բացարձակ, թէ ովքեր են Իզմիր-  
լեանի իսկական թշնամիները: Վարչութեան  
նախագահ Սիմէօն բէյը մի նիստում, ուր  
ներկայ է լինում և՛ ինքը Իզմիրլեանը,  
պարզապէս յայտնում է, թէ՛ թէև ինքը և  
իր հետ շատ աշխարհականներ սրտով ցան-  
կանում են Իզմիրլեանին տեսնել եպիսկո-  
պոսական ատիճանում, բայց բազմաթիւ  
թշնամիներ հակառակ են այդ բանին: Այդ  
ասելով, նա համարձակ մատնացոյց է ա-  
նում նիստում ներկայ եզոյ եպիսկոպոսնե-  
րին ու վարդապետներին—Կրօնական ժո-  
ղովի անդամներին:

Հայ հոգևորականութիւնը դարերից ի  
վեր սովոր է իր շրջանի ամենաարժանաւոր  
անդամներին ատելութեամբ և թշնամու-  
թեամբ միայն վարձատրել: Իզմիրլեանը  
գիտէր, որ թշնամիներ ունի հոգևորական-  
ների մէջ, բայց չգիտէր, որ նրանք այդ-  
քան շատ են թուով: Այժմ նա աչքով տե-  
սաւ նրանց և ճանաչեց: Նոյն բոպէին, ա-


ուանց երկար մտածելու, նա դուրս է գալիս վարչութեան նիստից ու մի քանի ըոպէ անցած ներս է մտնում և նախագահի սեղանի վրայ է դնում Կրօնական ժողովից ստացած եպիսկոպոսական վկայագիրը մի գրութեան հետ, որով հրաժարական է տալիս Բալլքէսէրի առաջնորդութիւնից: Խառն ժողովի մէջ սկսում է իրարանցում. Իզմիրլեանի թշնամիները ամօթահար են լինում, և երիտասարդ շնորհալի վարդապետը իր հոգու խորքում զգում է ցաւակցութիւն դէպի իր թշնամիների խումբը: Ներսէս պատրիարքը ամեն ջանք գործ է դնում համոզել Իզմիրլեանին՝ յետ վերցնելու իր հրաժարականը, բայց անյողողող կամքի տէր մարդը մնում է անզրդուելի: Սակայն 1876 թուականի սկզբներին Գէորգ Չորրորդ կաթողիկոսը ինքնաբերաբար հրաւիրում է նրան Էջմիածին: Այստեղ Իզմիրլեանը մայիսի 13-ին եպիսկոպոս է ձեռնադրում և երկու շաբաթից յետոյ վերագառնում է Կ. Պոլիս, ուր նորից սկսում է իր գործունէութիւնը աւելի սիրով ու եռանդով:

Մինչ այս մինչ այն՝ 1876 թուականի



վերջերին հրատարակուամ է ոռւս-տաճկա-  
կան պատերազմը, և այդ օրից Ազգային  
ժողովի ու պատրիարքի համար սկսում է  
գործունէութեան մի նոր դարաշրջուիս: Թէ  
ինչեր են կատարուել պատերազմի միջոցին  
կ. Պոլսում, ինչ փոթորիկների է հանդիպել  
Ազգային ժողովը և պատրիարքարանը—  
այդ մասին խօսելը մեզ շատ հետու կըտա-  
նէր: Գալով Իզմիրլեանին, իբրև Ազգային  
ժողովի անդամ նա աչքի է ընկնում իր  
մտաւոր ուժով: Նրա այդ ժամանակուայ  
արտայայտած հայրենասիրական ձգտուիւն-  
ըր, նրա իմաստուն և անկեղծ հոգով տո-  
գորուած ճտները արդարև արժանի են  
հիացման: Որքան փրուն, արտաքուստ փայ-  
լուն, ներքուստ անբովանդակ են այդ ժա-  
մանակուայ հուտորների ճառերը Ազգային  
ժողովի նիստերում, նոյնքան համեստ, ան-  
պաճոյճ, բայց և ներքին իմաստով հարուստ  
են եղել Իզմիրլեանի ասենարանութիւննե-  
րը: Նա չի աշխատում իր խօսքի արտաքին  
շուքով փռչի փչել լսողների աչքին, չի նկ-  
նում փայլուն խօսքերի ետեից: Միաքն է,  
որ ազգում է ամենի վրայ և այդ մտրի զօ-  
րեղութեան հետ զուգընթացարար արտա-

283



յայտուող անկեղծութիւնը: Առանդուն հայ-  
րենասիրութեան և ջերմ մտրդասիրութեան  
զգացումներէ հետ Իզմիրլիանի մէջ անբա-  
ժան են եղել Վերին ստիճանի հետաու-  
սութիւնը և նուրբ քաղաքագիտութիւնը:

Պատերազմի ամենատար միջոցներին  
զաւառներում սկսում են տաճկահայերի  
վշտերը և տանջանքները: Տեղի են ունե-  
նում անասելի հարստահարութիւններ, տ-  
մեն կողմից պատրիարքարան են հասնում  
բողոքներ ու աղերսագրեր: Ազգային ժո-  
ղովը, պատրիարքարանի և Ներսէս պատ-  
րիարքի գործերը քանի զնում բարդում  
են: Լաւագոյն գործիչների կեանքը ենթարկ-  
ւում է վաանգի, վատագոյնների համար  
բացւում է ինտրիգների, զրպարտութիւն-  
ների և... մատնութիւնների ասպարէզ: Ի  
միջի այլոց, մատնութեան զոհ են դառնում  
և Ազգային ժողովի անդամներից երեքը—  
Քրիստոսատր Ղազարոսեան, Սահփաննոս  
Փափագեան և Օզսէն Սօճասարեան, որոնք  
ձերբակալւում են և դատապարտւում ար-  
սորի: Ներսէս պատրիարքը միջամտւում է  
Բ. Դրան առջև և Դրանց մի կերպ արսորից  
ազատում, բայց բարձրագոյն հրամանով

արգելում է նրանց Ազգային ժողովին մասնակցել: Իզմիրլիանը, 46 երեսփոխանների ընկերակցութեամբ, մի օր առաջարկում է պատրիարքին միջամտել Բ. Դրան առջև, որդատածանութեան գոհ երեսփոխաններին նորից թոյլ տրուի ժողովի նիստերին մասնակցելու: Եւ այս առիթով նա արտասանում է մի սքանչելի պաշտպանողական ճառ, ուր երևում է զգոյշ, բայց անշեղ համոզմունքների տէր քաղաքագէտի ոգին:

1877 թ. աշնանը ուսաց յաղթական զօրքերը պատերազմի դաշտում հրաշքներ էին գործում: Հիւսիսային առիւծը ճմլում, տապալում էր ամեն բայլում տաճիկ զօրքերին: Յուսահատուած Մուխթար փաշան, կորցնելով իր զօրաբանակի մեծ մասը, դիմում է Կ. Պոլիս, խնդրելով նոր զօրքեր և ապստամբներ: Հայ ժողովուրդը, ստիպուած, տալիս է նիւթական օգնութիւն: Բայց այդ բիշ է. կառավարութեանը մարդ է հարկաւոր, և նա ընկնում է նեղը: Նա, որ միշտ արհամարհել էր իր հպատակ քրիստոնեաների ոյժը, վերջապէս, ճարահատուած, վճռում է դիմել նրանց օգնու-

թեան և զինուորներ է պահանջում: Ազգային ժողովի մէջ ծագում է մի նշանաւոր խնդիր—զինուորութեան խնդիրը: Տէրութիւնը հայերից զօրք է պահանջում—տա՛լ, թէ՛ չաալ: ժողովի անդամները դէմ չեն այդ պահանջին. կան այնպիսիները, որ պատրաստ են նոյն խակ իրենց հարազատ զաւակներին աալ զինուորական ծառայութեան: Իզմիրլեանը այս առիթով արտասանում է մի գեղեցիկ ճառ, ապացուցանելով զինուորագրութեան խորհրդաւոր նըշանակութիւնը հայերի համար, և այստեղ արտասանում է այն նշանաւոր դարձուածը, թէ «զինուորութենէ խուսափողն ազգաց ցանկին մէջէն կը ջնջուի»: Սակայն երեան է գալիս մի դիւեմմա. «մերժել զինուորագրութիւնը ամարդութիւն է. տալ զինուորներ, կը նշանակէ ուղարկել նրանց հաւասակից քրիստոնեաների դէմ»: Եւ արդարեւ, տաճիկ կառավարութիւնը պահանջում է զինուորներ, որ նրանց դուրս բերէ մի ազգի դէմ, որին միշտ սիրել է, պիտի սիրէ հայ ազգը, այն է—ուսաների դէմ: Իրլեմման նեղն է սցում Ազգային ժողովին, մանաւանդ որ հայերից հաւարուած զինուոր-

ները պէտք է պատերազմի դաշտն ուղարկուէին առանց մարդուելու, անփորձ: Ազգային ժողովը բացարձակ մերժում է կառավարութեան պահանջը:

1878 թ. օգոստոսի 4-ին Իզմիրլեան եպիսկոպոսն ընտրուում է երկրորդ ատենապետ Կրօնական ժողովի, որի առաջին ատենապետն է լինում Քրիմեանը: Այդ ժամանակ արդէն Ներսէս պատրիարքը հրաժարուած է լինում պատրիարքութիւնից: Շատ են խնդրում և աղերսում Ներսէսին նորից բարձրանալ պատրիարքական դահը, մերժում է: Վերջապէս, նա խորհուրդ է տալիս Ազգային ժողովին ընտրել իր տեղմի փոխանորդ, բացի սովորական պատրիարքական փոխանորդից, որի իրաւունքները սահմանափակ են լինում: Ներսէսը առաջարկում է այդ երկրորդ փոխանորդին տալ de facto պատրիարքի իրաւունքներ, իսկ ինքը համաձայնում է մնալ de jure պատրիարք, մինչև որ Բ. Գուռը, որ այնքան արհամարհում է պատրիարքի խնդիրները, կը կամենայ ճանաչել նրա իրաւունքներին ոյժը:

— Ո՞ւմ կը կամենայիք ձեր լիակատար

փոխանորդ ընտրուած տեանել, — հարցնում են պատրիարքից:

Ներսէսը, առանց երկար տատանուելու, պատասխանում է. — Իզմիրլեան սրբազանին:

Ազգային ժողովն ինքը համարում է Իզմիրլեանին ամենաարժանաւոր փոխանորդ և, հակառակ նրա բազմաթիւ թշնամիների ցանկութեան, 1879 թ. մարտի 9-ին սալիս է նրան իր բացարձակ քուէն: Ներսէս պատրիարքը յատուկ նամակով շնորհաւորում է նրան: Մտաթէոս եպիսկոպոսը քանի-քանի անգամ համեստարար հրաժարւում է այդ պաշտօնից, բայց վերջը զիջանում է ազգի պահանջներին և ընդունում:

Սակայն Բ. Դուռը չի ուզում Իզմիրլեանին պատրիարքի փոխանորդ ճանաչել, երբևի շատ լաւ ծանօթ լինելով նրա աշխարհահայեցողութեանը: Իզմիրլեանի ձեռները կաշկանդւում են, նա չի կարողանում գործել: Հինգ ամիս շարունակ Բ. Դրան հետ կռիւ մղելուց յետոյ, նա համոզւում է, որ անհնարին է գործել, քանի որ Դուռը չի ընդունում նրա ընտրութիւնը: Եւ հրաժարական է տալիս: Ներսէսը, զիջանելով

ազգի թախանձներին, նորից բարձրանում է պատրիարքական զահը, իսկ Մատթէոս սրբազանին Ազգային ժողովը շնորհակալութեան քուէ է տալիս իր թէև աղարդին, բայց անկեղծ հայրենասիրական կռուի համար Բ. Գրան դէմ:

Այստեղ պէտք է նկատել, որ 1879 թ. մարտին, երբ Ներսէս պատրիարքը, հիւանդութեան պատճառով, հեռանում է իր պաշտօնից, Ազգային ժողովն ընդունում է «Հայկական խնդրի գործունէութիւնը հըսկելու համար» մի յանձնաժողով, որի նախագահն է լինում Մատթէոս կալիսկոպոսը: Մի քանի ամիս անցած, երբ Ներսէսը նորից ազգային գործերի ղեկն իր ձեռքն է առնում, այդ յանձնաժողովը բնականաբար հրաժարական է տալիս: Սակայն հիւանդութիւնը ստիպում է Ներսէսին յաճախ Ազգային ժողովի նիստերից բացակայ լինել, և այդ միջոցներին ժողովին միշտ նախագահում է Իզմիրլիանը:

1881 թ. Իզմիրլիանը հրատարակում է մի ընդարձակ աշխատասիրութիւն «Հայրապետութիւն Հայաստանեայց առաքելական սուրբ եկեղեցու և Աղթամար ու Սիս»:

Յաւուժ ենք, որ մեր ձեռքը չի անցել այս աշխատութիւնը, որպէս զի մի գաղափար կազմէինք Իզմիրլեանի գրականական ընդունակութեան մասին: Բաւականանում ենք առաջ բերելով «Արաքս» հանդիսի կենսագրողի խօսքերը այս գրքի մասին.

«Սոյն գործ 1288 փոքրագիր երեսներէ բաղկացեալ հատոր մ'է և խորին հմտութեամբ կը ճառէ ընդհանրական Հայրապետի իրաւանց ու անոր ենթարկեալ երկու կաթողիկոսական աթոռոց յարաբերութեանց վրայ: Մատթէոս եպիսկոպոսի սոյն գործը խուլ բողոք մ'է Աղթամարայ ու Սիւսի կաթողիկոսներուն ս. էջմիածնայ Աթոռին նկատմամբ բռնած ըմբոստ ընթացքին դէմ և պատմական ու օրինական փաստերով մի առ մի կը գծէ այն պարտականութիւններ, զորս յիշեալ կաթողիկոսք ունին հանդէպ Ընդհանրական Հայրապետին և Նորին Օծութեան փոխանորդ՝ Կ. Պոլսոյ պատրիարքին»:

Բոլոր իր գործերի մէջ Իզմիրլեանը ցոյց է տալիս անշեղ օրինասիրութիւն և կար-



գապահութիւն: Ինքը լինելով վերին աստիճանի պարտաճանաչ հոգևորական, ամենից էլ նոյնն է պահանջում: Նրան վրդովեցնում է փոքրաւորների ըմբոստութիւնը մեծաւորների դէմ, երբ այդ ըմբոստութիւնը չունի սրկէ գաղափարական հիմք, այլ առաջանում է ըմբոստի մեծամտութիւնից և տգիտութիւնից:

1886 թ. յունուարի 31-ին Իզմիրլիանն ընտրւում է Եգիպտոսի վիճակային առաջնորդ և մարտի 12-ին Կ. Պոլսից ճանապարհ ընկնելով 17-ին հասնում է իր պաշտօնատեղը: Ակզբունքներով լինելով բուն սամակավարական, Իզմիրլիանը միշտ և ամենուրեք պաշտպանում է ժողովրդի իրաւունքները: Ահա ինչու Սահմանադրութեան բուն ոգին նրա մէջ գտել է մի անյողողղ պաշտպան: Հասնելով Եգիպտոս, նա անմիջապէս սկսում է գործադրել Սահմանադրութեան պահանջները, բայց այստեղ հանդիպում է տեղակտն ամիրանների և փաշաների ինքնակամութեանը: Նա ստիպուած է լինում նրանց դէմ կռիւ մղել, տպացուցանել և վերականգնել ժողովրդի իրաւունքները և կեզեցական և հասարակական խնդիրներ-

բում: նա աշխատարհում է փաշաների և ամիրաների ոյժն ու հարստութիւնը և մի օր, վերջապէս, կարողանում է նրանց խոնարհեցնել ընդհանրական իրաւունքների առջև: Տեղական ժողովուրդը, հարկաւ, սկսում է սիրել նրան, գանկելով նրա մէջ մի անկեղծ և ոնշահասէր պաշտպան:

Եգիպտոսում Իզմիրլեանը, ի միջի այլոց, զարթեցնում է Յակովբ Աշըղեան անուհով սուսահպատակ հայի կտակի խնդիրը: Այդ մարդը մեռնելու ժամանակ կտակում է ազգային նպատակներով եօթ անշարժ կալուածներ, որոնք տարեկան 3000 եգիպտական ոսկի եկամուտ էին բերում: Հանգուցեալի ազգականները թագցրած են լինում նրա կտակը: Իզմիրլեանին յաջողում է կտակը ասպարէզ հանել, բայց հիւանդութեան պատճառով հարկադրում է շուտով վերադառնալ Կ. Պոլիս: Կտակի խնդիրը նորից մեռնում է:

Եգիպտոս գտնուած ժամանակ Իզմիրլեանը մի ընդհարում է ունենում այն ժամանակուայ պատրիարք Աշըղեանի հետ: Մի ծանր յանցանքի համար նա մի ինչ-որ բահանայի զրկում է քահանայապետութիւնից:

Պատժուած բահանան զիմում է Պոլիս իր ազդեցիկ բարեկամների օգնութեանը: Աշըգեանը, չկամենալով մերժել մի մեծ ազոյի խնդիրը, հեռագրում է անձամբ Իզմիրլեանին, պատուիրելով շուտով վերադարձնել պատժուածին նրա փրկոնը: Հէնց նոյն օրը երեկոյեան պատրիարքը հեռագրով ըստանում է Իզմիրլեանի լակոնական պատասխանը. «Ստացայ ձեր հեռագիրը. պաշտօնիցս հրաժարուում եմ»: Այս կարուկ պատասխանը նեղն է գցում Աշըգեանին, որ անմիջապէս հեռագրում է Իզմիրլեանին, խնդրելով մնալ իր պաշտօնում և թողնելով բահանայի գործը նրա անօրինութեանը:

1889 թ. վերջերին Իզմիրլեանը, բժիշկների խորհրդով, Եգիպտոսից տեղափոխուում է Կ. Պոլիս և երկու տարի շարունակ այստեղից է վարում իր վիճակի գործերը: Պոլիսը հանգստութիւն չի տալիս Իզմիրլեանին. աջ ու ձախ տեղում են նրա վրայ քաղաքական զրպարտութիւններ, շարունակ նրան կանչում են Բ. Գուսը հարցաքննելու: Նրա տուած բացատրութիւնները գահացնում են կառավարութեանը, և նա, վերջապէս, ազատուում է ձանձրալի և անախորժ

երթևեկից:

Այդ միջոցներին Իգմիրլեանը նորից ըն-  
աբուում է Կրօնական ժողովի անդամ; բայց  
իրբե կառավարութեան աչքում կասկածելի  
անձ՝ բարւօք է համարում հետու պահել  
իրեն ազգային բոլոր պաշտօններից: Աշը-  
գեան պատրիարքը թախանձում է նրան  
լինել Կրօնական ժողովի անդամ, սակայն  
կառավարութիւնը չի հաստատում:

Աշըգեանը չի բողոքում, չի պաշտպա-  
նում նրան կառավարութեան առջև, կար-  
ծես լսօրէն հասկացնել տալով, թէ Իգմիր-  
լեանի վրայ եղած կասկածներն իրաւացի  
են: Իգմիրլեանը հեռանում է հասարակա-  
կան գործերից և, քաշուելով Իւսկիւտար,  
մնում է այնտեղ թաղական քարոզչի հա-  
մեստ պաշտօնում:

1892 թուականի մայիսի 5-ին Իգմիր-  
լեանը ընտրուեց Էջմիածնի կաթողիկոսա-  
կան գահի համար երկրորդ կանգիտատ,  
ստանալով գրեթէ քուէների երեք չորրորդա-  
կան մասը: Երբ Մկրտիչ կաթիկոսաթ Խրիմ-  
եանը իբրև առաջին կանգիտատ նորին  
Մեծութիւն ուսաց Կայսեր կողմից կա-  
թողիկոս հաստատուեց, Իգմիրլեանը առա-

ջին և միակ եկեղեցականը եղաւ տաճկահայերի մէջ, որ չվախեցաւ տաճկական կառավարութիւնից և Կ. Պոլսից հեռագրով շնորհաւորեց Վեհափառ Հայրապետին:

1891 թուականի վերջերին Ազգային Սահմանադրութիւն ասուած հիմնարկութիւնը խափանուեց: Հետեւեալ թուականի մայիսի 24-ին Օսմանեան կառավարութիւնը արգելեց Սահմանադրութեան տարեդարձը, և այսպիսով պաշտօնապէս ջնջուեցին մի քանի տասնեակ տարիներ գոյութիւն ունեցող ազգային այս վերջին սահմանափակ իրաւունքներն էլ: Տաճկաց տէրութիւնը գաւառ մի հլու և ստրկահոգի հողեւորական <sup>չհասցի</sup> Դիմաքսեան անունով և ինքնազուխ բացմեցրեց Կ. Պոլսի գահի վրայ իբրև պատրիարքական տեղապահ: Բայց հայ հասարակութեան միտքը սթափուել էր, և նա պահանջեց ապօրինի տեղապահից հոգալ ազգային ժողովի վերականգնման և նոր պատրիարք ընտրելու մասին:

Երկար ժամանակ քաջքշելուց յետոյ, վերջապէս, Դիմաքսեանն ու տաճիկ կառավարութիւնը եկան մի համաձայնութեան և 1894 թ. նոյեմբերի 4-ին նշանակեցին

խառն ժողով քայքայուած Կրօնական և Քաղաքական ժողովների անդամներէց: Այդ ժողովը զրազուեց պատրիարքական ընտրութեան խնդրով: Յայանուեց, որ սուլթանի իրադէտով թոյլ է տրուում ընտրել օրինական պատրիարք: Առաջին ընտրական ժողովը տեղի ունեցաւ նոյեմբերի 25-ին: Մասնակցում էին Կ. Պոլսում գտնուող եպիսկոպոսները, նաև քարոզիչ վարդապետները և եկեղեցիների աւագ երէցները, ընդամենը թուով 46 հոգի: Այստեղ պատրաստուեց ընտրողական ցուցակը, ուր մըտան 15 եպիսկոպոսների անուններ: Իզմիրլեանի անունը զրուեց ցուցակի ձակատին. նա ստացաւ 34 ձայն և հռչակուեց առաջին կանդիտատ: Մնում էր, որ Քաղաքական ժողովն էլ իր ձայնը տայ, և նա 15-ի ցուցակից ընտրեց հինգ անուններ: Այստեղ ևս Իզմիրլեանին տրուեց առաջին տեղը:

Գեղտեմբերի 7-ին կազմուեց ազգային ընդհանուր ժողով Գարրիէլ Նորատունկեանի նախագահութեամբ: Ներկայ էին 76 ընտրողներ: Միայն Եօթ մարդ գտնուեց, որ սև քուէ տուեց Իզմիրլեանին: Չայների

այդ ահագին բազմութեամբ նա ընտրուեց  
Թիւրքիայի հայոց պատրիարք: Ընտրու-  
թիւնն ընդունուեց բուն և երկարատե ծա-  
փահարութեամբ, որի ժամանակ Դիմաք-  
սեանը և իր մի քանի արբանեակները ներ-  
քին խոցվութիւնից կրճուտում էին իրենց  
շրթունքները:

Փողովի որոշումով անմիջապէս յատուկ  
պատգամաւորութիւն գնաց Իւսկիւտար Իզ-  
միրլեանի ընակարանը, ընտրութեան մա-  
սին ծանուցանելու: Սրբազանը շնորհակա-  
լութիւն յայանեց հայ ժողովրդի կողմից  
իրեն ցոյց տրուած վստահութեան համար  
և ասաց, թէ սիրով ընդունում է պատ-  
րիարք: պատասխանատու պաշտօնը: Ան-  
միջապէս սկսուեցին ինտրիզներ նորընտիր  
պատրիարքի դէմ: Դիմաքսեան ևպիակոպո-  
սը, Եուսուֆեանը և այլ յետադէմներ ամեն  
ջանք գաղտնի գործ դրեցին, որ Իզմիրլեա-  
նի ընտրութիւնը կառավարութեան կողմից  
չվաւերացուի, բայց, բարեբաղդարար, ար-  
դարութիւնը այս անգամ յաղթող հանդէսա-  
ցաւ. Իզմիրլեանը գեկտեմբերի 20-ին հաս-  
տատուեց իր պաշտօնում: Ասում ենք, բա-  
րեբաղդարար, որովհետև, ինչպէս մօտիկ

ապագան ցոյց տուեց, այդ բարդ և դժուար հանգամանքներում միայն Իզմիրլեանի պէս մի մարդ կարող էր կրել պատրիարքի ծանրը պաշտօնը: Եւ նա կարճ ժամանակում ցոյց տուեց իր երկաթէ կամքը, անդըրդուելի համոզմունքները և անկեղծ հայրենասիրութիւնը:

Դեկտեմբերի 26-ին Իզմիրլեանը Սահմանադրութեան վրայ արաւ իր ուխտը և ստանձնեց տաճկահայ ժողովրդի գործերի գլխաւոր ղեկը: Ներսէս պատրիարքից յետոյ ժողովուրդը առաջին անգամ սկսեց հանդիստ շունչ քաշել, որովհետեւ Գում-Գափուի մէջ կար մի մարդ, որ չպիտի դաւաճանէր ազգին իր նախորդների պէս: Հէնց առաջին քայլում Իզմիրլեանը ցոյց տուեց իր որոշ սկզբունքները: Ուխտի ժամանակին նրա արտասանած հանդիսաւոր ճառը անկեղծ և անվիհեր հայրենասիրութեան գրաւականն էր: Դժբաղդարար այդ ճառի միայն բեկորներն են մեզ հասել, բայց հէնց այդ բեկորներից էլ կարելի է գաղափար կազմել այն ընթացքի մասին, որ վճռել էր բռնել նորընտիր պատրիարքը: Հակառակ իր անարժան նախորդների սովորութեան,



Իզմիրլեանը չի կեղծում, չի շողոքորթում, չի խարում ոչ իրեն, ոչ ազգին, այլ բացարձակ ասում է, թէ հայ ժողովրդի և նրա հոգեւոր պետի ակունական հաւատարմութիւնը չը պիտի կայանայ «կեղծ ու պատիր շողոքորթութեան մէջ, այլ ճշմարտութեան մէջ», թէ ինքը վճռել է չթագցնել իր ազգի իսկական ցաւերը ոչ սուլթանից, ոչ համայն աշխարհից: Անմիջապէս այդ ճառի բովանդակութիւնը թղթակիցները հաղորդում են ևրոսպական մամուլին: Իսկ մեծ պետութիւնների դեսպանները իսկոյնեկի խընդրում են նրա թարգմանութիւնը և մեծ գոհունակութեամբ կարդում:

Սակայն խաւարասէր թշնամիները հանգիստ չեն մնում: Այս անգամ նրանք վրձնում են «փորձիչ սատանայի» դեր կատարել, ինչպէս ասում է մի հայ լրագրի թըղթակից: Նրանք ուզում են փողով շլացնել Իզմիրլեանին, յուսալով, որ նրան կըձգեն իրենց ազգեցութեան տակ, ինչպէս ձգել էին Յարութիւնին, Աշըգեանին, Դիմաքսեանին: Ի միջի այլոց, մի հայ ամիրայ մարդ է ուղարկում պատրիարքի մօտ և ասում. «Մըրազան, դուք իբրև հայ ազգի

ներկայացուցիչ օտար պետութիւնների առջև, այսուհետև պիտի ապրէք շուքով, դուք կունենաք շատ ծախսեր. թոյլ տուէք այդ ծախսերն ընդունել իմ վրայ»:

— Ոչ, — պատասխանում է Իզմիրլեանը, — ես ժողովրդի ներկայացուցիչն եմ և ոչ առանձին անհատների, և ժողովուրդը ինձ կը պահէ իր համեատ տուրքերով: Թոյլ տուէք ինձ ապրել պատրիարքարանի միջոցներով:

1895 թ. յունուարի 1-ին, կիրակի առաւօտեան, Գում-Գափուի Մայր եկեղեցում հաւարուած հայերի մեծ բազմութիւնը առաջին անգամ Մատթէոս պատրիարքի բերանից լսում է, թէ հայ ժողովուրդը էջմիածնի գահի վրայ կաթողիկոս ունի: Մինչև այդ ժամանակ ոչ միայն Խրիմեանի հաստատման մասին ոչոք չէր կարողանում խօսել վախից, այլև էջմիածնի անունը արտասանել: Պատրիարքը արհամարհում է երկիւղը և բացարձակ յայտարարում է ընդհանուր կաթողիկոսի անունը: Իսկ նախընթաց օրը նա ներկայացել էր սուլթանին, իր հետ տանելով Ալէաթճեան Գրիգորիս կախկոպոսին: Գարձեալ մի հա-

մարձակ քայլ, որին միայն Իզմիրլեանի պէս մի անհրկիւզ մարդ էր ընդունակ, որովհետև Ալէաթճեհանը մի օր Մուշում մի թուրք կառավարչի ապսակ սալու համար արսորուել էր Պոլիս: Նայն իսկ Կրօնական ժողովի ցանկից ջնջուել էր նրա անունը կառավարութեան հրամանով: Բայց Կ. Պոլսի սարկահոպի հայ էֆէնդիներին աւելի զարմացում է պատճառում այն համարձակ, անկեղծ, ժողովրդի շահերին անձնուէր դործիչի անվեհեր ոգով առդորուած ճառը, որ արտասանում է Իզմիրլեանը սուլթանի առջև այն օրը, երբ ներկայանում է փաղիշահին: Ընդունելութիւնից յետոյ, երբ Իզմիրլեանը դուրս է գալիս դահլիճից, հրաւիրւում է հիւրընկալութեան սենեակը: Այստեղ մօտենում է նրան արարդապետ Միւնիրբէյը, ուզում է արտասանած ճառի բնագիրը, ասում ասնում է սուլթանի մօտ և մի քանի բոպէ անցած, այլայլուած և բարկացած վերագառնալով, հրաւիրում է պատրիարքին՝ հեռանալ պալատից: Բանն այն է, որ սուլթանը Իզմիրլեանի ճառի մէջ չի գտնում այն բժութեան և շողոքորթութեան նշոյլն անգամ, որանց սովոր

էր տեսնել Աշըղեաններէ և Դիմաքսեան-  
ներէ կողմից:

Նորից վերադառնում են Ներսէսի օրերը:  
Նորից սկսում են հայ պատրիարքարանի  
և երոպական դեսպանների մէջ վազուց  
ընդհատուած յարաբերութիւնները: Յու-  
նուարի 4-ին Իզմիրլեանը այցելում է Ռու-  
սիայի, Ֆրանսիայի և Անգլիայի դեսպաննե-  
րին, որոնք իրենց առաջին թարգմաններին  
պատրիարքարան էին ուղարկել Իզմիրլեա-  
նին շնորհաւորելու: Հետեւալ օրն իսկ ան-  
գլիական դեսպան սըր Ֆիլիպ Բերրին փո-  
խադարձ այցելութիւն է դալիս պատրիար-  
քի մօտ: Տեսակցութիւնը տեւում է մի ժա-  
մից աւելի: Յունուարի 6-ին, Ծննդեան օրը,  
Իզմիրլեանը փոշիների միջից, հակառակ  
տաճկական կառավարութեան կամքի, հա-  
նում է կաթողիկոսական առաջին կոնդա-  
կը, որ էջմիածնից ուղարկուել էր պատ-  
րիարքարան աւելի քան մի տարի առաջ:  
Առաջին անգամ Պոլսի եկեղեցիներում կար-  
դացւում է այդ կոնդակը, որի ընթերցումը  
արգելուած էր կառավարութիւնից: Բերայի  
եկեղեցում ինքնարուզի և միահամուռ ծա-  
փերը թնդացնում են տաճարի կամարները:

Կ. Պոլսի հայերին տիրում է ընդհանուր յուզում: Ամենքը զգում են, թէ որպիսի արթուն և անձնուէր զեկավար է բազմած պատրիարքական գահի վրայ:

Բայց կան ուրիշ աւելի նշանաւոր գործեր, քան էջմիածնինը և կաթողիկոսի կոնդակները, և Իզմիրլեան նրանցով է զբաղւած գլխաւորապէս: Յունուարի 9-ին պատրիարքը պաշտօնագրով հաղորդում է Բ. Դրան, թէ պէտք է պատրիարքարանն էլ մի պատգամաւոր քննիչ ուղարկէ՝ Սասունի քննիչ մասնաժողովին մասնակցելու: Այն պահին, երբ այդ պաշտօնագիրը Դրան է ուղարկւում, Միւնիք-բէյ արարողապետը գալիս է պատրիարքարան սուլթանի կողմից պատրիարքի հետ բանակցելու: Տեսակցութիւնը տևում է 2 ժամ: Միւնիքը գալիս է և՛ հետևեալ օրը: Բայց այս անգամ Իզմիրլեանը ընդունում է նրան շատ սառն: Այդ օրից պատրիարքի և կառավարութեան մէջ սկսւում է մի խուլ պայքար, որ շուտով դառնում է բացարձակ կռիւ...

Բայց Իզմիրլեանը աբդէն կրօնական դեսպանների հետ կանոնաւոր յարաբերութեան մէջ է. նա կարող է, երբ կամենայ,

անձամբ բացատրել նրանց իր և տաճկա-  
կան կառավարութեան մէջ սկսուող կռուի  
պատճառները և հարկաւոր զէպքում խընդ-  
րել նրանց օգնութիւնը: Նա գիմնում է զես-  
պաններին, յիշեցնում է Բերլինի զաշնա-  
դրութեան 61 յօդուածը, որի մասին շատ  
վաղուց էր շէք խօսում: Նա անսպառ ո-  
գևորութիւն է գանում ժողովրդի համա-  
կրութեան մէջ: Նա այժմ շրջապատուած է  
վստահելի և համակրելի խորհրդականնե-  
րով: Կան մարդիկ, որ կարող են նրա չափ  
անձնութիւն ցոյց ապ հայոց խնդրի  
վերաբերմամբ: Եւ այդ մարդիկ մի-մի  
սիւներ են նրա համար: Իսկական գործիչի  
անշահասիրութեամբ նա արհամարհում է  
ամիրաների զօրաւոր բանակը, որի միակ  
զեկն է կղել միշտ քծնել, միշտ կեղծել,  
միշտ շողոքօրթել, և յարգում է իսկական  
հայրենասէրների խորհուրդները:

Դեկտեմբերի 31-ին Ելզըղի պալատից  
զրեթէ վանդուած Իզմիրլեանը, մի ամիս  
չանցած, հրաւիրւում է սուլթանի մօտ:  
Այդ օրը փաղիշահի ծննդեան տարեդարձն  
էր: Մատթէոսն ևս գնում է իր պարաքը  
կատարելու, շնորհաւորութիւն մատուցանե-

լու: Մինչ միւս ազգերի կրօնական պետե-  
րը մնում են ընդունարանում, Իզմիրլեանը  
հրաւիրում է սուլթանի սենեակը: Պատ-  
րիարքը մնում է սուլթանի հետ երես առ  
երես և երկար խօսակցում են նրանք: Սուլ-  
թանը համեստ հայ հոգևոր պետին բարե-  
հաճում է նստեցնել իր մօտ: Պարզ է, որ  
այստեղ մի բան կայ: Բայց զօրեղ կամքի  
տէր մարդը չի շլանում փաղիշահի քաղցր  
վարմունքից, չի կաշառում: Սուլթանը գի-  
մում է նրան և հարցնում. «Ի՞նչ խնդիր ու-  
նիք արդեօք»:

— Ոչինչ, ձերդ մեծութիւն, առ այժմ  
եկեղ եմ միայն ձեզ առողջութիւն մտղմե-  
լու, — պատասխանում է Իզմիրլեանը:

— Ես Միշնիը փաշային ուղարկել էի  
ձեզ մօտ, — ասում է սուլթանը, մեղմ ձայ-  
նով, — որ ինչ խնդիր ունիք, նրա միջոցով  
յայտնէք:

— Ձերդ մեծութիւն, ես բերանացի ո-  
չինչ ասելիք չունիմ և ինչ որ պիտի առեմ,  
արդէն գրաւոր պատրաստում եմ:

Սուլթանը կարծում է, թէ շատ-շատ պատ-  
րիարքը պիտի խնդրէ բանաարկուած հա-  
յերին ազատութիւն տալու: Բայց որքան

մեծ է լինում նրա դայրոյթը մի քանի օր  
յետոյ, երբ Միւնիւր փաշան ներկայացնում  
է նրան Իզմիրլեանի ընդարձակ տեղեկա-  
գիրը Հայաստանում կատարուած և կա-  
տարուող հարստահարութիւնների և բար-  
բարոսութիւնների մասին:

Իզմիրլեանը առանձին շրջարեւականով  
յայտնում է առաջնորդներին, թէ ոչոք չի  
կարող կառավարութեան հետ անմիջական  
յարաբերութիւն ունենալ հայկական խըն-  
դիրների մասին, բացի տեղական ընթացիկ  
գործերից: Այդպիսով նա ուզում է տաճ-  
կահայերի դատն ամփոփել պատրիարքի ի-  
րաւասութեան մէջ և գորեղացնել ազդի  
միակ ներկայացուցչի նշանակութիւնը:

Իզմիրլեանը գործում է անընդհատ: Չը-  
նայելով իր հիւանդոտ վիճակին, նա առա-  
ւօտից մինչև երեկոյ պատրիարքարանում  
նստած, անձամբ հսկում է բոլոր գործերին,  
ճաշում է պատրիարքարանին կից գտնուող  
Նրուսաղէմատանը և պառկում է մի ան-  
շուք սենեակում:

Նորոգելով պատրիարքական յարաբերու-  
թիւնները ևրոպական աշխարհական ներ-  
կայացուցիչների հետ, Իզմիրլեանը չի մո-



աանում և եկեղեցական ներկայացուցիչներին: Կաթողիկոսների պատրիարք Ազարեանին նա արհամարհում է այն հիմնաւոր պատճառով, որ այդ մարդը զաղանի թըշնամի է հանդիսանում հայկական խնդրին և հայ եկեղեցուն: Այն ինչ սիրով այցելում է յունաց պատրիարք Անթիմոսին: Ընդունելութիւնը այնքան փառայեղ է լինում, որ դարմացնում է թէ հայերին և թէ յոյներին: Անթիմոսի խնդրով՝ Իզմիրլեանը մտնում է Ֆէնէրի մայր տաճարը՝ այնտեղ հաւաքուած յոյների խուռն բազմութիւնը օրհնելու: Բարձրանալով ամբիոն, նա Ոսկէբերանի զահից արտասանում է մի փառաւոր ճառ, ուր նա խօսում է Օրթոդոքս և Լուսաւորչական եկեղեցիների համերաշխութեան մասին և նկարագրում «երկու քոյրերի» կրած միատեսակ պատմական տառապանքները: Խրոխտ պատրիարքի գեղեցիկ ատենաբանութիւնը խոր տպաւորութիւն է անում հանդիսականների վրայ, և տաճարը թընդում է «զիթօ, զիթօ» (կեցցէ)-ներով: Հետեւեալ օրը յունաց պատրիարքը շտապում է փոխադարձ այցելութեան և հանդիպում է հայոց պատրիարքի կողմից հաւասար

փառայեղ ընդունելութեան:

Մինչ մի կողմից Իզմիրլեանը զլազուած էր Սասունի կոտորածների և ընդհանուր հայկական խնդրով, միւս կողմից չէր կարող անտարբեր մնալ ղէպի բազմաթիւ բանտարկեալների վիճակը: Սուլթանը տրամադիր էր մասամբ տղատել այդ խեղճերին միայն այն պայմանով, որ պատրիարքը այդ «ողորմութիւնը» խնդրէ նրանից: Սակայն Իզմիրլեանը ոչ մի խնդիր «ողորմութիւն» չէ համարում, այլ— իրաւունք: Նա դիմում է անգլիական ղեսպանի միջամտութեանը, և մարտի սկզբին բանտարկեալ հոգևորականների մի մասին ազատութիւն է տրւում, իսկ Զատիկի տօներին արձակուում են բանտերի և միւս հոգևորականները: Զատիկ օրը տասներկու տառապեալ եկեղեցականներին ներկայութեամբ Իզմիրլեանը խօսում է մի սրտառուչ ճառ նրանց կրած տառապանքների մասին: Ժողովուրդը չի կարողանում զսպել իր արաստութիւնը...

Կառավարութիւնը պահանջում է, որ պատրիարքը ստիպէ բանտից արձակուած եպիսկոպոսներին և վարդապետներին հաւատարմութեան երդումն անել: Պատրիարքը

մերժում է, առարկելով, թէ նրանք բան-  
տարկուած են եղել առանց որ և է յան-  
ցանք գործած լինելու: Նա մերժում է և՛  
ուրիշ մի շարք առաջարկութիւններ՝ այս  
կամ այն գաւառական առաջնորդին Պոլիս  
բերել տալու, միւսին պատժելու, երրոր-  
դին մի ուրիշ տեղ ուղարկելու և այլ բա-  
ների վերաբերմամբ:

Մայիսի 20-ին անգլիական զեսպանը ա-  
տուկ պաշտօնագրով հաղորդում է պատ-  
րիարքին տաճկական Հայաստանի բարենոր-  
ոգումների ծրագրի պատճէնը, մայիսի  
25-ին Քերրին այցելում է պատրիարքին:  
Տեսակցութիւնը տևում է յամ, և Իզմիր-  
լեանը մի նոր վշտով յիշեցնում է զեսպա-  
նին իր ժողովրդի վշտերը: Դեսպանը յոր-  
դորում է Իզմիրլեանին հանդարտուել և  
համբերութեամբ սպասել իր պաշտպանած  
դասի վերջին:

Չորս տարի էր Մահմանաղբութեան հան-  
դէսը չէր կատարւում: Մայիսի 28-ին Իզ-  
միրլեանը տարեդարձի օրը կատարեց այդ  
հանդէսը չը տեսնուած շուքով 20000 հայի-  
րի ներկայութեամբ ս. Փրկչի հիւանդանո-  
ցի զաշտում: Պատրիարքն առաջարկեց Մահ-

մանադրութեան պահպանման բաժակը, էջ-  
միածնի կաթողիկոսի և Գրիգորիս եպիս-  
կոպոս Ալէաթճեանի կենացները: Հազարա-  
ւոր ամբոխի ներկայութեամբ նա արտա-  
սանեց մի ոգևորուած ճառ, որ շատերի  
աչքերից կորզեց բուռն աւտասուք:

Յունիսի ընթացքում ծագում է Կիլիկիա-  
յի կաթողիկոսութեան խնդիրը: Իզմիրլեա-  
նը համարձակօրէն ասպարէզ է հանում Ա-  
լէաթճեան եպիսկոպոսի թեկնածութիւնը և  
պաշտպանում մինչև վերջը: Պաշտպանում է  
այն հոգևորականին, որի պէմ էր ոչ միայն  
տաճիկ կառավարութիւնը, այլ և շատ բարձ-  
րադիր հայ հոգևորականներ և աշխարհա-  
կաններ, որոնց թւում ամենամեծ նախա-  
տինքի արժանի են Արբահամ եպիսկոպոս  
Մամիկոնեան, Նիկողոս եպիսկոպոս Ֆուր-  
նուզի և Յովհաննէս եպիսկոպոս Գազան-  
ճեան և ոմն վարդապետ Կիրակոս անուշով:  
Ազգային կենտրոնական վարչութեան Խառն  
Ժողովը ստուգում է և հաստատում Ադա-  
նայում կատարուած ընտրութիւնները և  
Ալէաթճեանին կաթողիկոս հռչակում—հա-  
կառակ ինտրիզների և բանասարկութիւնների:  
Իզմիրլեանը Իւսկիւտարի ս. Կարապետ և-

կեղեցում յուլիսի 9-ին յայտարարում է  
այդ ընտրութիւնը, մի և նոյն ժամանակ  
յիշեալ չորս ըմբոստ հոգևորականներին հո-  
գևոր պաշտօնէութիւնից զրկուած հռչա-  
կում:

Իզմիրլեան հանգստութիւն չունի: Նա  
զրեթէ ամեն շաբաթ այցելում է այս կամ  
այն երոպական դեսպաններին, մէկին մի  
որևէ գործի մասին բացատրութիւն տալու,  
միւսին խնդրելու, երրորդին համոզելու:  
Նրա ուշքն ու միտքը զբաւուած են իր ժո-  
ղովրդի տառապանքներով: Նա քուն չունի,  
ուտում է շտապով, որպէս զի իր թանկագին  
ժամանակը գործադրէ անթիւ խնդիրներ  
վրայ: Իսկ նա Ֆիզիքապէս առողջ չէ, մի-  
այն իր հայրենիքի անպառ սէրն է նրան  
այդքան հոանդ և ոյժ տալիս անընդհատ  
աշխատելու...

Սուլթանը յուլիսի կիսին, վերջապէս, եր-  
կար ձգձգելուց յետոյ, բացարձակ կերպով  
մերժում է ընդունել երոպական դեսպան-  
ների կողմից իրեն ներկայացուած բարե-  
կարգութիւնների ծրագիրը իր ամբողջու-  
թեամբ: Եւ Իզմիրլեանի հոգսերը բարդա-  
նում են: Այս հանգամանքին աւելանում է

և Զէյթունի ապստամբութիւնը: Իզմիրլեանը չգիտէ որ խնդրի մասին աշխատէ: Մինչդեռ միւս կողմից ամեն օր, ամեն ժամ պատրիարքարան են տեղում նորանոր տեղեկագրեր կատարուող հարստահարութիւնների մասին: Քանգաաւում և բողոքում են ոչ միայն լուսաւորչական, այլ և կաթոլիկ ու բողոքական հայերը: Իզմիրլեանի համար ազգի վերաբերմամբ կրօնի խտրութիւն չկայ: Նա ամենին նայում է անաչառ հօր աչքով. ահա ինչու հետզհետէ դառնում է համայն ազգի սիրելի հայրը այս բառիս ամենաբնական նշանակութեամբ: Մինչդեռ հայ կաթոլիկների անարժան պատրիարք Ազարեանը, հանդամանքներից օգտուելով, իր անձնական շահերի համար կրօնական անտեղի խնդիրներ է զարթեցնում, և այդ դառնում է մի նոր վիշտ Իզմիրլեանի համար: Մի ուրիշ վիշտ է դառնում յունաց պատրիարք Անթիմոսի անսպասելի քարոզը, որով այդ հոգևոր պետը իր հօտին յորդորում է ցուրտ աչքով նայել հայերի վրայ: Մի թշնամական քարոզ, որի համար Անթիմոսը իր նախորդ Յովակիմ Գ.-ից, Ներսէս Վարժապետեանի ժա-

մանակակից պատրիարքից ստանում է յանդիմանութիւն:

Այդ ընդոյրին աւելանում է մի խոշոր և վշտալի դէպք—Կ. Պոլսի սեպտեմբերի 18-ի ցոյցը հայերի կողմից տաճիկ կառավարութեան դէմ: Պոլսի փողոցները ներկւում են հայի արիւնով, հազարաւոր անմեղների դիակները սարսափ են ազդում Իզմիրլեանի վրայ: Այն ինչ՝ կառավարութիւնը այդ ցոյցի պատասխանատուութիւնը աշխատում է ձգել պատրիարքի վրայ: Միւս կողմից լուր է տարածւում, թէ Իզմիրլեանին տապալելու դաւ է սարքւում, թէ վարձուած են մի քանի եպիսկոպոսներ, որոնք նրա տեղ պիտի դնեն Եզնիկ եպիսկոպոս Ապահունիին: Ճշմարիտ է, յետոյ այս լուրը, ինչպէս և ուրիշ շատ լուրեր, մտացածին երեւց, բայց կարևորն այն էր, որ դեռ կային Կ. Պոլսի հայերի մէջ Իզմիրլեանին հակառակ մարդիկ, հակառակ մի մարդու, որի առաջ խոնարհւում էր ամբողջ ազգն անխտիր:

Նոյեմբերի 17-ին անգլիական զեսպան սըր Ֆիլիպ Քերրին, Կ. Պոլիս վերադառնալուց յետոյ, տեսակցութիւն է ունենում սուլթանի հետ: Խօսում են բացառապէս

հայկական խնդրի մասին, և խօսակցութեան մի կէտն էլ պատրիարքի մասին է լինում: Սուլթանը զանգատուում է, թէ Իզմիրլեանը, որ իր Ֆիրմանովն է հաստատուած պատրիարք, իրեն հակառակ է գործում, թէ նա զրգոում է ժողովրդին կառավարութեան դէմ: Դեսպանը պատասխանում է, թէ Իզմիրլեանը երբէք սուլթանի և իր կառավարութեան հակառակ ընթացքի մէջ չի եղել և եթէ նա չլինէր, հազիւ թէ հայ ժողովուրդը այնքան համբերէր... Պատրիարքը հետևում է իր ազգի ցոյց տուած ուղղութեանը: Հարկաւ այս բացատրութիւնը չի գոհացնում կասկածամիտ սուլթանին, և պատրիարքը, որ առանց այդ էլ լրտեսներով շրջապատուած էր, ենթարկւում է ամենախիստ հսկողութեան:

Նոր 1896 թուականը բերում է ինտրիգների մի նոր շարք Իզմիրլեանի դէմ: Էֆէնդինեբի խումբը Յովհաննէս էֆէնդի Նուրեանի առաջնորդութեամբ փափագում է, որ պատրիարքը իր դիրքը փոխէ: Եւ այս մտքով նրանք փորձում են հասարակական կարծիքը զրգուել Իզմիրլեանի դէմ: Քիչ թէ շատ օրինաւոր լրագիրները ձեռն-



պահ են մնում, իսկ «Լոյսի» և «Մանգումէի» պէս արհամարհուած թերթերը տըպում են պատրիարքի դէմ հազար տեսակ բարբաջումներ:

Բայց պատրիարքը չի վհատուում և իր հոգու խորքում ցաւում է այդ խեղճերի մասին: Զրօրհնէքի տօներից անմիջապէս յետոյ պատրիարքարանում գումարւում են Քաղաքական և Կրօնական Ժողովները՝ պատրիարքի պաշտօնավարութեան դէմ նիւթուած դաւերի մասին խորհրդակցելու: Իզմիրլեանը, որ ներկայ է լինում այդ ժողովի բացումին, յայտնում է, թէ իրենից պահանջում են կամ «կարգի գալ», այսինքն փոխել իր բռնած քաղաքական ընթացքը, կամ հրաժարական տալ: Բայց նա, ազգի կամքով ընտրուած լինելով, սիրով պատրաստ է ենթարկուել միայն ազգի տնօրինութիւններին, թող ուրեմն ժողովը վճռէ՝ արդեօք պէտք է նա մնայ պատրիարք, թէ ոչ: Այս ասելով, Իզմիրլեանը ժողովից անմիջապէս հեռանում է:

Երկու ժամ անցած՝ ըստ ժողովականների միասին գնում են Իզմիրլեանի բնակարանը և յայտարարում, թէ ամբողջ ազ-

զը գոհ է իր սլաշտօնավարութիւնից, թէ  
չեն կարող ընդունել նրա հրաժարականը և  
թէ պատրիարքը պէտք է շարունակէ իր  
արդիւնալից պաշտօնը: Իզմիրլեանին տա-  
պալելու խնդիրը ջուրն է ընկնում: Հայ է-  
ֆէնդիւններն ու հոգևորականները համոզ-  
ւում են, որ անկարելի է ազգի կամբքի դէմ  
մարտակել: Սակայն դեռ շարունակում են  
գործել:

Հանգամանքները փոխւում են և դառ-  
նում նպատատօր ազգադաւնի խմբակի  
համար: Իզմիրլեան պատրիարքի թագրիւ-  
ները մնում են անպատասխան Բ. Դրան  
կողմից, և դա համարւում է հակառակորդ-  
ների կողմից անաջողութիւն, որի պատճա-  
ռը իբր թէ ինքը Իզմիրլեանն է, այն ինչ՝  
քաղաքական աշխարհի հոգն է փչում ուրիշ  
կողմից: Բայց Իզմիրլեանի մէջ մեծ է ազ-  
գային ինքնասիրութեան զգացումը: Նա  
վերաւորանքին շողոքորթութեամբ չի ու-  
զում պատասխանել: Նա դիմում է բացար-  
ձակ ցոյցերի և առաջին ցոյցը լինում է  
այն՝ որ մայիսին տաճկաց բայրամի տօնին  
չի գնում սուլթանին շնորհաւորելու: Այս  
համարձակ քայլը կատարեցնում է կառա-

վարական շրջաններին և մի նոր զայրոյթ պատճառում հայ էֆէնդիների ու կղերականների խմբակին:

Բայց կանգ առնենք: Անհնարին է մանրամասն նկարագրել այն բոլորը, ինչ-որ արել է Իզմիրլիանը 1895 թուականի ընթացքում, նաև մինչև 1896 թուականի կէսը: Միայն այդ մէկ եւ կէս տարում նա հանդիպել է այնքան փոթորիկներին, որոնց չի հանդիպել և ոչ մի պատրիարք իր ամբողջ գործունէութեան ընթացքում, բացի Ներսէս պատրիարքից, այն էլ ուստաճկական պատերազմի աղէտալի միջոցին: Այնքան բազմաթիւ են պատրիարքարանի և տաճկական կառավարութեան միջև ծագած խընդիրները, որ չկայ նոյն խկ ֆիզիքական հնարաւորութիւն բոլորը թուելու, բոլորի մասին խօսելու:

Բայց թէ որքան լուսաւոր, արդիւնալից, անկեղծ և անշահասէր է եղել Իզմիրլիանի գործունէութիւնը—յայտնի է ոչ միայն հայ ազգին, այլ և ամբողջ Եւրոպային: Անշուշտ ապագայ պատմութիւնը մանրամասն կանգ կառնէ մեր տաճկահայ եղբայրներին տասնուիններորդ դարու վերջին քառորդի

կեանքի վրայ և այդ ժամանակամիջոցի մէջ ասպարէզ եկած գործիչները շարքում անշուշտ առաջին տեղը կը շնորհուրի ներսէս Վարժապետեանին և Մատթէոս Իզմիրլեանին:

Յունիսի 11-ին տեղի է ունենում Վանի աղէտալի ջարդը: Հազարաւոր հայեր զոհ են դառնում թուրք ամբոխի մոլեռանդութեանը: Լուրը խոր ազդեցութիւն է անում Իզմիրլեանի հիւանդութեան չափ զգայուն սրտի վրայ: Կրկին նա ընկնում է երոպական դեսպանների դռները, բայց... ամեն կողմից յուսահատական լուրեր և սպառախաններ... Միւնստըն ժամանակ, Դիմաքսեան և Բարդուղիմէոս եպիսկոպոսներից, Մկրեան քահանայից, Վահան վարդապետ Տէր-Մինասեանից և Գրիգոր Կարապետեան, Մէրիէմ-Գուլի, Կարապետ Փանոսեան, Անտոն Կէօշէօղլի և այլ աշխարհական ու հոգևորական ստրկահոգիներից բաղկացած խումբակը աւելի ու աւելի է լարում իր մեքենայութիւնները ազգի արժանաւոր պետի դէմ: Վերջապէս, Իզմիրլեանը, յոգնած և ձանձրացած այդ բոլորից, գրեթէ բայբայուած առողջութեամբ վճռում է հրաժա-

րական տալ և տալիս է յուլիսի 22-ին, այն ժամանակ, երբ կրետացիներն խնդիրը միանգամայն նսեմացրած է լինում առանց այն ևս հետզհետէ մոռացուող հայկական խնդիրը: Նրա հրաժարականը իրարանցում է ձգում թէ Կ. Պոլսի կառավարչական շքրջանների և թէ կրօնական դեսպանների մէջ: Նա վայելում է ահապին ժողովրդականութիւն ընդհանրապէս բոլոր հայերի և մասնաւորապէս Կ. Պոլսի հայերի մէջ, ուստի երկիւղ է զարթնում՝ մի գուցէ նրա հրաժարականը նոր գրգռում պատճառէ առանց այն ևս գրգռուած հայերին: Մանաւանդ ընդդիմանում է Իզմիրլիանի պատրիարքական գահից հեռանալուն տաճկաց արդարադատութեան մինիստրը, որ կարծում է ուղղակի, թէ Իզմիրլիանի հեռանալը իսկոյն առաջ կը բերէ մեծ անկարգութիւններ հայերի մէջ: Դեսպանները առաջարկում են հայ պատրիարքին մնալ իր պաշտօնում, առաջարկում է նաև ոռուսաց դեսպան Նելիդովը: Սակայն երկաթէ կամփի տէր մարդը մնում է անդրդուելի իր միանգամ արդէն վճռած և տուած հրաժարականի վրայ:

Տաճիկ կառավարութիւնն ընդունում է Իզմիրլեանի հրաժարականը, և յուլիսի վերջերին սազրազամի ըոյրութլուով (հրաման) հայոց սահմանադրական ժողովները հրատարակում են կազմալուծուած և հրամայում է պատրիարքական տեղապահ ընտրել: Եւ Նուրեան-Աշրգեան խումբը Իզմիրլեանի զահի վրայ բազմեցնում է Բարդուղիմէոս Չամչեան եպիսկոպոսին, և այսպիսով բացարձակապէս ծաղրում տաճկահայ ժողովրդի վշտերը և տառապանքները:

Առանձնացած Կ. Պոլսի Իսկիւտար թաղում, այնտեղ իր համեստ բնակարանում ողբում է իր հօտի վիճակը անզուգական հովիւր: Մինչդեռ տաճիկ կառավարութիւնը տակաւին սարսափում էր նրանից: Երեսուն-քառասուն լրտեսներ գիշեր-ցերեկ պաշարած էին նրա բնակարանը: Վերջերը լուր տարածուեց, թէ տաճիկ կառավարութիւնը ուզում է Իզմիրլեանին աքսորել: Այդ լուրերն արդարացան. Իզմիրլեանն աքսորուեց Երուսաղէմ:

ԿՏԻ ՊՅԱԼ ԱՅԳՒՄԵՆ

